



**Broj: 12-11-15-638/21**  
**Sarajevo, 4. 3. 2021. godine**

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku kancelarijskog materijala za potrebe Ureda za reviziju institucija u Federaciji BiH za budžetsku 2021. godinu (obavještenje o nabavci broj: 296-7-1-5-3-6/21, objavljeno na Portalu javnih nabavki 27. 1. 2021. godine) date u Zapisniku o pregledu i ocjeni ponuda, broj: 12-11-15-90-14/21 od 25. 2. 2021. godine, generalni revizor donosi

## **ODLUKU**

### **o izboru najpovoljnijeg ponuđača u postupku nabavke kancelarijskog materijala**

#### **I**

U postupku nabavke kancelarijskog materijala za potrebe Ureda za reviziju institucija u Federaciji Bosne i Hercegovine za budžetsku 2021. godinu putem konkurentskog zahtjeva za dostavu ponuda, Ugovorni organ donio je odluku o izboru najpovoljnijeg ponuđača za: LOT 1 – Obrasci i papiri i LOT 2 – Administrativni materijal: R&S d.o.o. Sarajevo i za LOT 3 – Higijenski materijal: Plan Plus d.o.o. Zenica.

#### **II**

Ova odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

#### **III**

Ova odluka stupa na snagu danom potpisivanja.

## **Obrazloženje**

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-90/21 od 12. 1. 2021. godine, pokrenuo je postupak za javnu nabavku kancelarijskog materijala putem konkurentskog zahtjeva za dostavu ponuda (predmet javne nabavke podijeljen prema lotovima: LOT 1 – Obrasci i papiri i LOT 2 – Administrativni materijal i LOT 3 – Higijenski materijal) za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Obavještenje o javnoj nabavci broj: 296-7-1-5-3-6/21 objavljeno je na Portalu javnih nabavki 27. 1. 2021. godine.

Postupak je provela Komisija imenovana Rješenjem generalnog revizora broj: 12-11-15-90-1/21 od 20. 1. 2021. godine, koja je sačinila: Zapisnik o zaprimanju ponuda broj: 12-11-15-90-10/21 od 15. 2. 2021. godine, Zapisnik o otvaranju ponuda od 15. 2. 2021. godine, Analitički prikaz traženih i dostavljenih dokumenata-Kvalifikacija ponuđača broj: 12-11-15-90-11/21 od 16. 2. 2021. godine, Zapisnik o pregledu i ocjeni ponuda broj: 12-11-15-90-14/21 od 25. 2. 2021. godine. U predmetnom postupku nabavke i nadmetanju, Ugovornom organu tri ponuđača su dostavili ponude, i to za LOT 1 i LOT 2 - ponuđači Plan Plus d.o.o. Zenica, R&S d.o.o. Sarajevo i ELKOM d.o.o. Vitez i za LOT 3- Plan Plus d.o.o. Zenica i R&S d.o.o. Sarajevo.

U postupku pregleda i ocjene ponuda utvrđeno je:

- ponuda ponuđača Plan Plus d.o.o. Zenica za LOT 1 ne ispunjava sve zahtjeve tražene Tenderskom dokumentacijom s obzirom da za stavku pod rednim brojem 19. nije dostavljen uzorak rokovnika A5 u srebrnoj i crnoj boji kako je traženo u Tehničkoj specifikaciji za LOT 1, a za stavku pod rednim brojem 20. nije dostavljen uzorak rokovnika A4 u crnoj i plavoj boji kako je traženo u Tehničkoj specifikaciji za LOT 1.

- ponuda ponuđača Plan Plus d.o.o. Zenica za LOT 2 ne ispunjava sve zahtjeve tražene tenderskom dokumentacijom: za stavku pod rednim brojem 9. dostavljeni uzorak ne odgovara zahtjevima traženim u Tehničkoj specifikaciji za LOT 2 s obzirom da dostavljena fascikla nije za (u fasciklu se ne može umetnuti) 200 listova A4 formata kako je zahtijevano u Tenderskoj dokumentaciji.
- ponuda ponuđača Plan Plus d.o.o. Zenica za LOT 3 ispunjava sve zahtjeve tražene Tenderskom dokumentacijom
- ponuda ponuđača R&S d.o.o. Sarajevo za LOT1 , LOT 2 i LOT 3 ispunjava sve zahtjeve tražene tenderskom dokumentacijom;
- ponuda ponuđača Elkom d.o.o. Vitez za LOT 1 ne ispunjava sve zahtjeve tražene tenderskom dokumentacijom s obzirom da za stavku pod rednim brojem 19. nije dostavljen uzorak rokovnika A5 u srebrnoj i plavoj boji kako je traženo u Tehničkoj specifikaciji za LOT 1, a za stavku pod rednim brojem 20. nije dostavljen uzorak rokovnika A4 u srebrnoj i crnoj boji kako je traženo u Tehničkoj specifikaciji za LOT 1;
- ponuda ponuđača Elkom d.o.o. Vitez za LOT 2 ispunjava sve zahtjeve tražene Tenderskom dokumentacijom.
- za LOT 1 e-aukcija nije zakazana s obzirom da je primljena jedna prihvatljiva ponuda – ponuda ponuđača R&S d.o.o. Sarajevo , te se postupak za LOT 1 okončava u skladu sa članom 69. Zakona o javnim nabavkama;
- za LOT 2 i LOT 3, zakazana je e-aukcija u skladu sa tačkom 8. Tenderske dokumentacije;
- e-aukcija održana je 22. 2. 2021. godine u 10 sati za LOT 2, a za LOT 3 u 11 sati;
- prema izvještajima o toku i završetku e-aukcije, najpovoljniji ponuđač za LOT 2 je R&S d.o.o. Sarajevo, a za LOT 3 je Plan Plus d.o.o. Zenica.

Na prijedlog Komisije Ugovorni organ je donio odluku kao u dispozitivu.

#### **Pouka o pravnom lijeku:**

U skladu s članom 99. i 101. Zakona o javnim nabavkama, protiv ove odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostavljeno:

- R&S d.o.o. Sarajevo
- Plan Plus d.o.o. Zenica
- Elkom d.o.o. Vitez
- u spis predmeta nabavke
- a/a

